

西事江略

一
八
冊
函

西事彙略卷八

迤西陸防各軍總司令部編輯

邊備

防務

麗江李統領鑒兩刪電均悉規復喇井端賴鴻猷用能以輕兵而收捷效來電擬將九營中哨移紮喇井白地坪本屬切要之圖惟現在西事漸定井地可無他虞喇井白地坪兩處但分半哨扼要駐紮似已足資鎮攝目下餉項奇絀增兵爲難此間兵力甚厚沿邊有事在在均可策應似不必再招土兵以節繁費李生紹文即留尊處以供驅策該生來函並悉希飭知照根源刪印

大理陸防總司令鈞鑒此次喇井之役帶兵數百即可收復均仰賴憲台聲威故能尅期奏捷惟現在民心甫定似不能不厚增兵力防患未萌統領欲分撥駐麗之兵未免顧此失彼欲請新添防營而餉糈不裕當此時局維艱本應仰體撙節辦理無如喇井係爲餉源關係較重擬請將兼帶第九營中哨全哨兵丁移紮喇井白地坪兩處俾防

範周密至統領部下請暫添土著兵百名以備緩急且能方策應此係因防患未然維持公安起見是否有當并祈示遵辦理統領李德泳稟刪印

麗江轉永北丁鎮台鑒感電荷悉川匪竄入滇邊滋擾頻聞亟宜迅予拿辦嚴爲防範以杜蔓延執事擬日內親臨華坪巡查辦理甚善請速啓行爲禱情形如何仍希隨時電知根源叩陽歷荷印

省城軍都督府鈞鑒案查華坪江令感電稱夷匪倡亂當電丁鎮就近查明並於箇日錄電呈報在案茲接丁鎮有電稱華坪江令咸電稱夷匪乘機坐聚日肆殺掠各情昨尹營偵探回報川匪賀二麻子於十月二十二日率夷匪數百先撲大興街被我軍槍斃數名後又圍攻華榮廠旋即退去頃於二十五又據探報十八九等日該匪在灰窩子朗水坪烏木河等處燒搶廿日保衛隊防營至灰窩子與之接仗取獲首級三付廿一日李隊官抵華坪次早卽率隊前往助剿等語以上情形惟未據該營縣稟報查華坪現駐防兵一營保衛隊一哨此次又得李隊官到彼兵力似不爲單現已知會江令

並札周管帶速將近日情形據實飛報倘有需兵之處自當酌量策應承示江令所請槍械礙難照准遵卽轉飭知照現在永北地方尙稱安謐請紓廛念等語謹陳師長根源叩感印

麗江局速送華坪江令周管帶覽宥電悉華坪匪亂戡定慰其所開出力各弁兵團首已分別電請軍府給獎矣至陣亡正兵孫建廷朱華廷二名亦請照陣亡例議卹統俟奉復再爲飭知張洪才等三犯著卽正法並將行刑日期通報查考奪獲牛羊一發恤貧民一留備招撫辦理甚是賀李各匪仍宜設法嚴緝勿任漏網爲要師司令敬印

軍都督府李總司令鈞鑒華坪匪亂曾於二十二日將暫留新軍協同國民軍保衛隊及團丁分攻賊巢大概會稟在案茲於二十五日收隊回縣據李隊官覃哨弁彭哨長面稱是日兵分三路於午後開抵近排口之施德坪匪黨卽以三股接仗約三小時槍斃匪黨二十餘人匪黨敗走天色已晚未便窮追復於次日卯刻兵分七路進攻匪黨大股來撲我軍奮力急攻槍斃三十餘人生擒三人受傷九十餘人其餘匪不支逃竄

川界我軍直抵賊巢四面搜捕奪獲牛肆拾餘隻羊壹百餘隻駐紮一日窮搜山不見一賊乃還此股得獲大勝實仗師長威福軍士奮勇更不能沒其勤勞陸軍除隊官排長外以李應華孫允良楊有澤羅思義陳海清爲最國民軍以中哨弁覃隆義左哨哨弁周天柱爲最保衛隊以代理哨長彭玉麟爲最帶團團首以何兆約黃大義河西約陳代清張遠猷李世松爲最其餘兵團尙稱得力懇請擇尤嘉獎用示鼓勵生擒張洪才何學榮宋老二三匪會審供認不諱擬卽正法所有奪獲牛羊三面會商以一半發血灰窩子燒掠最苦之家以一半留備招撫之用現由知縣委派公正紳首馳諭黑山排口附近夷人如能革面洗心設法將匪首僞大都督賀大麻子二都督賀二麻子僞將軍李國祥李鐵匠等擒獲過半捆送懲辦卽寬既往之咎並許給予牛羊以酬緝捕之勞如此辦法匪勢自散匪首亦可誘擒不然匪勢雖衰匪首在逃不免有死灰復燃之想所有開仗情形以及擬辦各節是否有當理合飛報再此次新軍保衛隊兵團均未受傷惟國民軍左哨一棚正兵孫建廷三棚正兵朱華廷陣亡現已清獲孫建廷

屍槍朱華廷屍身雖已清獲而槍彈被匪奪去該地山深林箐概以二三人散隊分打相距里許即難兼顧二兵過林奮勇故蹈危險合併電聞知縣江椿管帶周連彪有電叩

爲命令事照得遮放芒市兩土司地方幅員遼闊漢夷雜處恒有匪徒出沒藉滋事端非有軍隊駐紮不足以資鎮懾前本師長業派第八聯第一大隊第一中隊長聶紳文率領本隊巡視騰龍各土司地畢飭由龍陵逕回永昌現擬移兵駐紮遮芒該中隊到龍即暫行留駐龍陵再聽命令其原駐龍陵之國民軍第十四營管帶李槐所部儘數開赴遮放芒市兩處擇要分紮以防匪類而靖地方除呈報咨行分令外合亟令知令到該中隊長即便遵照辦理仍將到防日期通報查考勿違切切此令第八聯第一大隊第一中隊長聶紳文西防國民軍第十四營管帶李槐

省城軍都督府鈞鑒第八聯第一大隊中隊長聶紳文前飭率所部巡視各土司地並在龍陵暫駐數日於十三日開赴永昌旋榆電陳在案昨宿禾木樹龍陵張承來謁旋

飭回署今午抵潞江橋接該永轉呈該廳紳民專函稱龍屬猛戛地方有匪黨二三百人謀議倡亂並欲焚搶龍城居民甚形驚恐懇請速回辦理并請留聶中隊暫駐鎮懾等語查該廳地居邊要外連英屬稍有不測牽動甚大當飭張永星夜回龍嚴密偵查緝拿首要並函飭聶中隊仍率所部在龍暫駐二月以資鎮攝謹陳備查師長根源叩勘印

令據維西協副將李學詩呈稱竊照署副將案奉憲台令委調署維西協副將兼帶西防國民軍第六營事務遵卽交卸由順甯起程取道雲龍以赴維西經過沿途地方查看得自麗江屬之石鼓礮頭一帶直至維西距城四站峻嶺叢林路徑紛歧村落鮮有防兵又無而奸宄最易托足時有搶刦往來商旅受害不淺無處稟報聽其席捲而颺人人視爲畏途非駐兵不能保護署副將到任後卽應撥兵駐紮查第六營中哨正哨官率兵六棚駐紮阿墩子距城九站副哨長率兵二棚駐紮茨中距城六站左哨正哨官率兵五棚駐紮在城不時往竹林箐後山等處帶兵梭巡保護商旅副哨長率兵二

棚駐紮小維西距城三站什長帶兵一棚駐紮魯甸距城一站右哨正哨官率兵三棚駐紮白漢洛距城八站副哨長率兵五棚駐紮怒江之東腊早距城六站各哨弁兵零星分紮遼闊皆係險隘設有教堂防禦保教均關緊要署副將躊躇再三萬難抽撥復查麗江府城尚有西防國民軍第四營全營弁兵駐紮在城似可懇請鈞令飭撥一哨由石鼓礮頭格子擇要分棚駐紮至太平塘止而哨官駐紮巨甸居中援應與第六營現駐魯甸之左哨一棚相聯如此則呼應靈通遇有搶劫合力捕拏使奸匪不敢潛藏俾安行旅而靜地方况石鼓礮頭一帶至維屬栗地坪均係麗屬管轄本不應越俎然處此共和時代又不敢存畛域之見貽害地方理合呈請衡核示遵等情據此當經批示呈悉所請飭駐麗之第四營撥兵一哨由石鼓礮頭至太平塘而止擇要分棚駐紮不爲無見仰候令飭該統領酌核辦理可也仰卽知照切切摘由批等因除批發外合行令知令到該統領卽便酌核辦理此令麗維統領孫紹騫

麗江轉永北舒同知覽頃奉軍府感電開永北舒永禱電稱永北素號盜藪國民軍第

七營現奉調操致劫案迭出懇撥陸軍一營專司緝捕等語所稱是否屬實榆軍似難調撥惟情詞迫切希就近察奪飭遵復准軍政部檢電開永北舒丞兩電辭缺當經電覆不准等因已飭第七聯繆聯長着派一隊來永遊緝周巡不日即行出發到時遇有緝捕要件可隨時商同辦理總司令豔印

麗江專送丁鎮台鑒近接永北廳華坪縣來文搶案十居八九復據派往密查員報告該兩屬地方盜賊蠭起搶劫頻仍幾於徧地皆匪無一村不被其患查各營衛戍地前經明白規定凡在衛戍地內如有盜匪搶劫即爲各該管長官是問永北華坪兩處近在該鎮駐紮處所究竟各營官長有無見聞何以放棄責任形同聾瞶一至於此應卽嚴行督飭各營官長迅將該衛戍地段內劫盜搶匪上緊捕拿務期盡數芟除以清盜藪而贖前愆如地方仍前不靖盜匪照舊公行定將各官長從嚴懲處不能姑寬也總司令微印

省城軍都督府鈞鑒軍政部鑒檢電敬悉永北盜風甚熾兵力單薄舒丞所稟各節均

係實情現由第七聯撥派遊擊隊一小隊飭第二大隊第三中隊長李鳴世率領於三十一日出發前赴永北巡視後卽分赴楚雄各屬巡緝一周再爲旋榆已通電飭知矣
謹陳備案師長根源叩卅一印

省城軍都督府鈞鑒迤西楚順蒙景等屬盜風素熾此次散兵又多潛迹其間搶刼巨案層見迭出張提督文光熱誠勇毅辦事切實擬請親率所部保衛隊一哨前往該衛戍地段內周歷巡閱由蒙化經順甯景東而至楚雄應卽照准俟張提督旋榆源擬卽親赴鶴麗劍永北等處巡視考察以備籌維而期整頓可否乞核示遵根源叩文印
大理李師長鑒文電請以張提文光親率衛隊巡視各屬應照准希卽飭辦都督府元印

備藏

令照得雲南反正各郡縣均極安堵現在雲南軍隊編練爲兩師團第一師團現已入川援應叙瀘既定成都亦於十月十八日反正川省不難漸次敕平本總司令訪聞該

管帶在鄉城所帶隊伍尙能恪守紀律遙爲嘉慰方今大局未安邊事方亟尤望愈加整飭力保地方治安勿使兵士稍有滋擾貽害地方是爲至要藏爲西南門戶滇蜀利害所關蜀事尙未大定一時恐難兼顧但爲滇力所及自當不分畛域共鞏國防該管帶所帶軍隊希仍駐紮鄉城其目兵姓名及所用軍械數目並希造冊具報以憑查考至於餉項月約需若干現已領至何月據實呈報查核如有不敷之處卽由本總司令酌發以資接濟此外營頭如有因餉項匱乏離散兵勇亦卽由該管帶妥爲收束編練成營呈請核發薪餉如有同志尤須趕速招徠同襄邊事是爲切囑茲特派本師第七聯差遣員胡德銓前來一切機宜及應如何籌辦如何計畫各情形可卽商同該差遣員妥爲計議並呈由本總司令查核辦理切切特令右令駐鄉城管帶譚文榜麗江府官紳同覽感電悉布置周妥甚慰仍將防範情形隨時電呈爲要總司令儉印雲南軍都督府軍政部大理迤西總統李巡按使趙憲鈞鑒感日戌刻准中甸馮丞牒稱據格咱哨龐弁稟探川邊定鄉有散勇數百人欲由中甸入滇雖無軍械人至數百

必滋事端已派防團出甕上堵禦如率衆闖入即迎頭痛擊以免反客爲主并據哨弁龐廷柱函稟川邊人民會聚四五百人二三日間到甸請准予開槍各等情核其所報情形似尙未確如果屬實自是匪黨無疑惟相距六七站之遙若不先事籌維臨時恐有不及現在駐中甸有九營左哨八棚保衛隊五十名喇嘛團約可集三百名馮丞老練機警尙能布置當已星夜回函囑令迅籌堵禦如敢入境即痛擊示懲一面飛移維西廳協撥調兵團傳諭土弁即將阿墩奔子欄其宗各口扼要探防協助查麗城僅有駐防兵四棚其餘兵團悉赴援喇井未回除請李統領酌留兵六棚防井已催其星夜回麗預備策應迭據喇井函報匪已肅清當無他虞不得不統籌兼顧先其所急除由馮丞逕電并隨時探報外謹此候示飭遵春魁庚吉承漢木陰謹稟感印

省域軍都督府鈞鑒東電奉悉昨接姚守艷電當即會趙巡按電復文曰昨得馮丞電已電飭嚴堵並函催李統領賀管帶撤喇喬兵團回麗至劍防半哨係派援喇非馬遇春部然有事仍可調援譯發後於東日復會電姚守文曰現派第七聯第三大隊之第

一中隊長李鍾瀚率領該隊馳麗協防如中甸有事即開赴中甸勦禦無事即率該隊自麗江經鶴慶永北大姚姚州定遠楚雄回榆所經地方如遇有匪徒滋擾確有實據准其拿獲就地正法并須隨時勸導地方安撫人民該隊官兵尤不得藉事生端致滋紛擾而違紀律除命令外合行電達仰即知照各等語謹錄電陳師長根源叩冬印雲南軍都督府大理迤西巡按使鑒據哨長龐庭柱稟稱探聞定鄉有散勇數百欲由中甸入滇雖云已收軍械然衆至數百定滋事端一入甸麗夥合騰永游軍患不勝言迫得派團及兵到甕上堵禦入境卽迎頭痛擊不來亦即罷論是否乞電示中甸廳馮舜生自治局牛印龍楊鴻春尹玉衡謹叩敬印

省城軍都督府鈞鑒頃接永北田永等支電稱廳營局密派偵探賀嘉祥回報川藏香城魏李兩管帶餉紕兵變古勇直抵木里地方距永北界僅三十里事機危迫密商尹管備文飛遞華坪江令周管告急請立派一哨赴永以保廳城尹管率全營迎頭堵截廳城近雖粗安必資尹管鎮攝一俟周營到永卽行開拔並乞添兵飛援如倉卒無兵

可派請速發快槍二三百桿派員解赴永城以資團械之不足不勝迫切待命之至並請電省軍都督府爲叩署廳亮勦管帶明玉永北自治局會稟等情當卽會同電飭麗江李統領姚守轉知丁鎮舒丞兼程赴任李鍾瀚中隊一同開往妥爲相機勦禦麗維沿邊一帶仍由李統領等嚴加防範隨時探報去訖謹聞根源藩叩魚印

麗江李統領姚太守同鑒艷荷電悉川藏兵變蔓延堪虞尊處已飭姜兼帶帶兵馳往堵禦辦理甚是惟麗城現存二十一棚希卽撥派一哨前往擇要扼紮以備不虞爲要該處情形務望隨時電告俾便計畫源已抵白土堡明日宿永平樾老今晚宿漾濞附聞根源暫印

省城軍都督府鈞鑒效電敬悉西藏兵叛迭據李統領姚守姜協廉倅趙委員等電稟當經電復李統領轉飭姜協德興率兵馳往堵禦並飭由現駐麗江之兵撥派一哨前往擇要扼紮復飭孫聯長將駐榆軍隊預爲準備俟後探報情形再爲籌畫請示辦理師長根源叩寄印

火速行營探投師長憲鈞鑒荷電敬悉查西藏察木多係西軍左營管帶夏正新帶步兵五哨日本式過山砲二尊駐紮江卡係駐西軍中營步兵一哨鹽井係駐巡防新軍後營右後兩哨鷄公係駐巡防新軍後營中前左三哨并哈齊開式山砲二尊阿母斯莊砲二尊歸管帶陳鳳翔率領查該各處官兵雖少教育然吃苦耐勞勇敢善戰實駕乎他省軍隊之上西藏情形聯長早經面稟鈞聽現在得此警報檢聯軍隊除開赴漾濞并前往賓蒙各處外僅有兵四小隊應如何預備之處伏乞示遵聯長紹騫謹稟馬印

軍都督府鈞鑒頃據阿墩子彈壓委員趙紹雲豔電通稟滇邊人民俱各安靜所請添兵防堵應請撤銷等情查前據該委員及麗維各電情形極為緊迫茲復電請撤防前後矛盾至此已由源電麗江李統領姚守責令確切查明迅速詳復如果不須添兵再將前派麗江一哨調回其奉電飭派鍾湘藻率領兩中隊馳往阿董堵禦一節刻據孫聯長電稱已轉飭該大隊長預備開拔應否飭令暫行停止俟李統領等查復後再行

請示辦理之處乞衡核示遵師長根源叩敬印

麗江姚知府覽頃接中甸馮丞諫電稱東汪龍深姑角民與蒲丁村因仇互毆蒲丁村勾串鄉城蠻仰弄隆布恐動邊畔倘勸解不散應否帶兵彈壓又稱鄉城邊亂方懼延潰移兵往界適挑動機各等語查邊民性本兇悍行多野蠻懲治宜嚴不可稍事姑容蒲丁村若敢聚衆橫攻准其帶兵剿辦川邊多事務宜加意防範隨時偵察免彼竄擾是爲至要希卽轉飭馮丞遵照辦理至該守前電准商馮丞將駐甸龐廷柱三棚拔往阿墩此時能否移調仍希就近籌畫飭遵可也總司令禡印

永昌總司令鑒據東汪龍深姑角民稟與蒲丁村因仇互毆各斃一命該蒲丁村勾串鄉城蠻仰弄隆布聚衆抬槍炮要攻打深姑角村求救等情查蒲丁村近隣鄉城適值鄉城變叛蒲丁遂勾仰弄隆布恐動邊畔除飭東汪僧目格咱土弁協差將衆解散甸案旬結不得勾引鄉城蠻助外合馳電陳倘勸解不散野蠻橫攻應否帶兵彈壓又未知鄉城邊亂川省如何辦理方懼延潰移兵往界適挑動機防邊策困乞電示機宜中

甸同知舜生稟諫印

永昌行營總司令憲鈞鑒奉司令禡電開查邊民兇悍野蠻懲治宜嚴蒲丁村若聚衆橫攻准帶兵勦辦又奉都督府養電飭會營親往彈壓一面知會鄉城川官嚴禁所屬並責令蒲丁村將蠻匪退回提案訊結但無抵抗情事不得遽施攻勦各等因謹懷遵辦惟川邊蠻民去腊戕逐防營印委與中甸格咱境接壤該格咱境奢崇拉東汪上年叛變經前阮丞勦辦嗣竟戕殺松守備餘孽未清張前承任內復聚衆抗官均未懲辦以故土司老民不知法紀土千總松那定枉心尤叵測隱患非自今日署府任中甸時慮開邊釁欲辦未能此次馮丞不敢勘驗實處萬難鄉城官早被驅逐蒲丁村結匪過界斷難理禁突往彈壓勢必聚衆抗拒非勦莫辦惟咨馮丞加意探防向機示威解散倘有不法謀爲卽罪坐肇亂土司再敢抗拒准添兵攻勦以免延日並懇准馮丞便宜事權可勦則勦可撫則撫明諭庶無瞻顧署府才識庸闇籌畫無方管見所及未知當否伏乞核示再阿墩情事相同應飭一律照辦合併陳明署府春魁謹稟敬印